

“Con Ojep da Nazaret fora por cösc ann y fora por nosta vita” (6)



I invocun Ojep desco patron dles porsones co laora: che les condiziuns de laur y de paiamont danter nos sii iüstes; che les eres ciafi por so laur le medemo paiamont dai ei; che les leges dal marcé, dla rentabilité, dal increment dal profit ne sii nia les uniches a valei; che avei y capital vai a ben dles porsones y nia al contrar; mo ince che i ne se desmonciunse mai che la porsona con so ester val deplü co le laur y söes prestaziuns. Nos ne viun nia por lauré, mo i laurun por vire. La porsona adora trep deplü co ma efizienza, produtivité, profit y ativité. Laur é trep deplü co ma n job! Se dé da fá por en bun post de laur sogü é gnü con la crisa dal Corona ciamó plü nezesciar. Tan emportant che al é da daidé ches porsones co adora sen veramonter aiüt!



Vita de ploania y de paisc

- **Pelegrinaje de chi da Valdaora, sabeda ai 29 de ma:** sön la plata dles ploanies da Valdaora é gnü scrit cösta enformaziun “10:00h Hl. Messe (anstelle des Bittgangs wird eine Heilige Messe gefeiert; wer möchte, kann privat nach Enneberg pilgern)”



Enformaziuns y termins

La Spona chir por valgügn assistís n PC o n laptop che i eis dessorora, mo co funzionëia ciamó bun. Preibel telefoné a ☎ 0471 843060 (08:00 - 15:00). Der n gran iolan danfora.

La Ciasa de Palsa a San Martin de Tor chir infermieri/infermieres profesjonales a tomp plen y tomp parzial, con ejam de bi-trilinguism. Porsones enteressades ciafa enformaziuns plü monüdes al ☎ 0474 524786.

Le Comun de Mareo lascia alessei che i privac co á enteres da jí sen d'aisciöda ete por la Val dai Tamerse (dô Fodara Masaron) a laoré sö debann la legna/i lens rosedés dal maltomp pó le comuniché ai ufizi dal Comun de Mareo.

Döt le bun a:	Anna Erardi, <i>Pietra Ligure</i>	* 23.05.1925
	Anna Daverda Rindler	* 23.05.1932
	Jan Rindler	* 24.05.1932
	Albert Willeit, <i>Al Plan</i>	* 25.05.1939
	Oliva Ellemunter ved. Ellecosta	* 29.05.1926
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Plaoan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

23.05.2021 - GRAN FESTA DE PASCA DE MA

n. 26



☞ St.Ap 2, 1–11 | 1 Co 12, 3b–7.12–13 o Gal 5, 16–25 | Jan 20, 19–23

Dal Vangelo do San Jan:

¹⁹La sera dal pröm de dal'edema, canche i discepui â, dala tema dan dai iüdes, saré pro les portes, é gnü Gejú, é jü amesa ei ete y ti á dit: Pêsc a os! ²⁰Do cöstes parores ti ál mostré söes mans y so costá. Danló se ralegrâ i discepui da odei le Signur. ²¹Gejú ti á ciamó n iade dit: Pêsc a os! Desche le Pere m'á mené me, ensciö ves meni iu os. ²²Do ch'al á albü dit cösc, ti ál fladé ados y ti á dit: Recioiede le Spirit Sant! ²³A chi co os ti lasceis do i picés, ti ésaí lascés do; y a chi che os ne ti i lasceis nia do, ne ti ésaí nia lascés do.

I ponsun do: Da Pasca de Ma se recordunse che Chel Bel Dio opereia tla Dlijia dal meterman encá y endespra entres endô entusiasm. Le Vangelo se dij, ci che Gejú á fat en le dé de söa ressureziun, mo ince desch'al opereia te nos, dandadöt tla confirmaziun. Tla confirmaziun sozedel avisa ci che le Vangelo cunta: tres le sorvisc dla Dlijia gnunse sigilés con le Spirt Sant, la scincunda de Chel Bel Dio; i ciafun le salüt de pêsc y i gnun menés fora a ester testimoni de Gejú Crist.

I periun: Gran Dio, le Spirit de to Fi ô formé nosta vita y nosta Dlijia. Daüresse a söes operes y fá ch'al vegni entres endô Pasca de Ma danter nos. Por Crist, nosc Signur.

Vesco Wilhelm Egger "Sonntagsbibel"



☞ Letôres dla Gran festa dla SS. Trinité:
Deut 4, 32–34.39–40 | Rom 8, 14–17 | Mt 28, 16–20

Edema liturgica dai 23.05. ai 30.05.2021

DOM 23.	GRAN FESTA DE PASCA DE MA <i>Berto, Desider</i>
08:30	“Veni creator”, gran messa ciantada en onú dal Spirit Sant por dōta la ploania <i>♫ Robert Führer, “Festmesse in C”</i>
→	ores d’adoraziun: do messa cina les 10:30 Curt, dales 10:30 ales 11:30 La Pli y Pliscia
→ 14:00	espi da festa y benedisciun eucaristica
Lön 24.	LÖNESC DE PASCA DE MA / <i>Maria Oma dla Dlijia, Ester, Dagmar al va ennant le tomp ia por l’ann</i>
08:30	s.m. en onú de Santa Maria dal Bun Consei <i>♫ grup dal Cor</i>
→	s.m. en onú dai Angeli Custodi por na persona sora ora d’adoraziun por duc
Ded 25.	<i>Beda, Gregor VII., Maria Magdalena da Pazzi</i>
07:30	s.m. por †† fredesc Florian, Stase y Nese Terza d’André s.m. por † Jan Maneschg, da Poz, → devoziun a Santa Maria
Dem 26.	<i>Filip Neri, Maria Anna</i>
→ 19:30	funziun de ma , con i mituns y les mitans co é jüs l’ann passé ala <i>Pröma Santa Comegnun</i>
Jöb 27.	<i>Augustin da Canterbury, Bruno</i>
19:30	s.m. por fam. Angelo y Daniela Comploi, Möra s.m. por † Maria Pedevilla ved. Morlang, Parü s.m. por †† Franz y Zilia Pezzei, Lungiarü
Ven 28.	<i>German, Wilhelm</i>
07:30	s.m. a Al Plan
Sab 29.	<i>Paolo VI., Sisinus, Martyrius y Alexander</i>
07:30	s.m. de rengraziamont dla fam. Tone y Marta Erlacher, Ombolt s.m. por vis y †† de Val, → devoziun a Santa Maria
→ 10:00	s.m. dai pelegrins da Valdaora
18:00	s.m. prefestia a Al Plan
DOM 30.	GRAN FESTA DLA SS. TRINITÉ <i>beat Otto Neururer, Ferdinand</i> DOMEGNA DLES FAMILIES
08:30	gran messa por les families dla ploania <i>oferta por la ploania</i> s.m. por perié de de bones families y santes vocaziuns s.m. por †† Angelica y Regina Ellecosta s.m. por †† Facchini - Braito
10:00	s.m. a Al Plan
<i>ministronc:</i>	• dedolönesc y sabeda: Isabel y Daniel • jöbia y domegna: Rudi y Natalie
<i>i recordun:</i>	Elena Rigo † 24.05.2014

 **Ví, Spirit Sant**

Spirit Sant,
tira to file te nos,
ch’i ponsunse tler y dert.

Spirit Sant,
sbürlesse
ch’i fajunse ci co é bun y iüst.

Spirit Sant,
fá lominus te nos,
ch’i ciafunse ligreza da vire.

Spirit Sant,
renforzesse,
ch’i se dunse da fá por le ben.

Spirit Sant,
ciara de nos,
ch’i ne pordunse nia le contat
con Chelbeldio.

**Oraziun
de renovamont dla confermaziun**

*Signur, nosc Dio,
tal sacramont dla confermaziun
m’aste scinché la forza dal Spirit de Gejú
Crist, co santificheia y unesc la Dlijia.*

*Iu dess dé dan dal monn testimonianza
dla noela de Gejú Crist y de so amur,
de söa mort y de söa ressureziun.*

*Deidemo ester n member vi dla Dlijia
ch’i te glorificheii te era tres Gejú Crist
tal Spirit Sant.*

*Deidemo con l’iluminaziun dal Spirit Sant
da ti ester de sorvisc a dōta la jont
desche Gejú Crist m’al á vit dant,
el co vir y regneia tl’unité dal Spirit Sant
por dōta l’eternité. Amen.*

*da “I va a confermé, entusiasms co mo deida jí ennant”,
mapa por la preparaziun ala confermaziun*

Lass dich begeistern – Gott bringt dich in Bewegung



**„Am Beginn der christlichen Glaubensgemeinschaft steht eine Kraft,
eine Begeisterung, die sich Menschen nicht eingeredet haben,
sondern die ihnen von oben geschenkt worden ist.“**

(Bischof Ivo Muser, Botschaft zum Pfingstfest 2013)